



**JABATAN PERDANA MENTERI
JABATAN PERKHIDMATAN AWAM**

SIARAN MEDIA

**KERAJAAN TAMBAH BAIK DASAR PENANGGUHAN BALIK
PELAJAR TAJAAN JPA BAGI TUJUAN BEKERJA DI LUAR NEGARA**

Kerajaan bersetuju supaya pelajar tajaan Jabatan Perkhidmatan Awam (JPA) di luar negara boleh dipertimbangkan untuk menangguhkan kepulangan ke Malaysia bagi tujuan bekerja di luar negara. Keputusan ini dibuat untuk memberi peluang kepada pelajar tajaan Kerajaan menimba pengalaman dan kemahiran pekerjaan di luar negara sebelum balik berkhidmat di dalam negara.

Sehubungan dengan itu, penangguhan boleh dipertimbangkan kepada pelajar-pelajar yang layak tertakluk kepada ketetapan berikut:

- (i) kebenaran bekerja adalah berdasarkan permohonan yang dikemukakan oleh pelajar tahun akhir di peringkat Ijazah Pertama dan tidak diberikan secara automatik;
- (ii) tempoh penangguhan yang dibenarkan untuk bekerja di luar negara adalah tidak melebihi 3 tahun;
- (iii) pelajar tajaan pinjaman dikehendaki membayar balik nilai pinjaman secara ansuran bulanan dalam tempoh penangguhan tersebut;
- (iv) tempoh bekerja di luar negara akan dikira sebagai Tempoh Ikatan Berkhidmat yang ditetapkan di dalam perjanjian; dan
- (v) bagi pelajar tajaan pinjaman, pelarasan bayaran balik nilai pinjaman berdasarkan sektor pekerjaan dalam negara hanya dibenarkan

sekali sahaja setelah pelajar pulang ke Malaysia tertakluk kepada syarat yang ditetapkan.

Permohonan boleh dibuat mulai **15 Februari 2024** melalui laman sesawang <https://myself.jpa.gov.my>. Sebarang maklumat lanjut boleh dirujuk kepada Soalan Lazim atau maklumat perhubungan yang disediakan di laman sesawang tersebut.

#####

Jabatan Perkhidmatan Awam

Tarikh: 7 Februari 2024

E-mel : komunikasi@jpa.gov.my

No.Rujukan: JPA.100-9/1/2 Jld.2 (59)